



# FAZAKKIR

e-Tazkirah | Bil. 16 | April 2022 - Ramadan 1443H

## Marhaban Ya Ramadan

يَا أَيُّهَا الَّذِينَ آمَنُوا كُتِبَ عَلَيْكُمُ الصِّيَامُ كَمَا كُتِبَ عَلَى الَّذِينَ مِن قَبْلِكُمْ لَعَلَّكُمْ تَتَّقُونَ

**Wahai orang-orang yang beriman! Kamu diwajibkan berpuasa sebagaimana diwajibkan atas orang-orang yang dahulu daripada kamu, supaya kamu bertaqwa.**  
(Al-Baqarah ayat 183)

Bulan Ramadan merupakan "madrasah" yang sangat luas keberkatan dan rahmatnya kepada setiap insan yang menghayatinya. Siapa pun boleh menimba lautan keberkatan yang disediakan oleh Allah SWT di dalamnya. Allah SWT telah menyediakan madrasah ini untuk dimasuki oleh siapa pun sejak permulaan suruhan berpuasa kepada umat-umat yang terdahulu.

Hikmah berpuasa ke atas orang-orang beriman adalah untuk meningkatkan kedudukan mereka disisi Allah SWT dan menjadi orang-orang yang bertaqwa, taat patuh kepada agama. Puasa dapat mendidik orang beriman untuk mengawal nafsu syahwat terutamanya nafsu makan dan seks dengan cara menahan diri daripada makan, minum, melakukan perkara-perkara yang membatalkan puasa di siang hari dengan niat yang tulus kerana Allah.

Ucapan marhaban menandakan keinginan dan kerinduan seseorang terhadap kehadiran bulan yang mulia. Persiapan mental dan fizikal untuk melaksanakan perintah Allah serta melakukan ibadah bersungguh-sungguh dengan penuh keimanan dan ketaqwaan. Moga Ramadhan kali ini mendidik diri untuk lebih beramal dan diberikan kelebihan Lailatul qadar.

Perkataan "Marhaban" dari segi bahasa, ialah seruan atau perintah untuk menyambut kehadiran tetamu. Bulan Ramadan merupakan bulan kesembilan dalam kalendar hijriah yang dipenuhi dengan keberkatan di dalamnya dan juga diperintahkan umat Islam untuk berpuasa selama sebulan penuh dengan itu disebut selamat datang wahai Ramadan.

### Tajwid Bersama Hidayam

#### Hamzah Wasal

Hamzah yang ditetapkan (dibaca) ketika memulakan bacaan dengannya dan tidak dibaca ketika bacaan bersambung. Ia hanya terdapat pada awal kalimah.

Tanda : Hamzah wasal boleh menerima baris tetapi tidak ditulis akan barisnya secara nyata sebaliknya ia ditulis dengan huruf alif yang diletakkan kepala shad kecil di atasnya. Ia terdapat pada kalimah isim (kata nama) dan fi'il (kata kerja) sahaja.

أَنْظِرْنَا أَلَمْنَا أَلَمْنَا



iDART

Membentuk disiplin serta meningkatkan intergriti kerana mengamalkan kepatuhan suruhan berpuasa.

Diterbitkan oleh Unit Hal Ehwal Islam UiTM Cawangan Selangor